

Zeitschrift: Jahrbuch für Philosophie und spekulative Theologie
Band: 26 (1912)

Artikel: Pius PP. X.
Autor: [s.n.]
DOI: <https://doi.org/10.5169/seals-762005>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 25.11.2024

ETH-Bibliothek Zürich, E-Periodica, <https://www.e-periodica.ch>

PIUS PP. X.

Dilecte fili, salutem et Apostolicam Benedictionem. Praeclara doctrinae laus, quam sive Theologia dogmatica in Lyceo Magno Vindobonensi tradita sive in vulgus editis historiae libris tibi merito comparasti, non minus quam Sacerdotis vita in exemplum acta et omnium egregia, qua idcirco flores, opinio, Nobis facile persuadent, ut amplissimo Cardinalis Archiepiscopi tui testimonio accepto, novo ac potiore te honoris titulo dignitateque augeamus. Idque eo libentius facimus, quod cathedra ob adversam valetudinem abscedere coactus, gratum, hac benevolentiae Nostrae significatione, tuorum laborum habebis mnemosynon ac praemium. Quare te hisce Litteris, *Protonotarium Apostolicum ad instar Participantium* facimus, constituimus, renuntiamus, tibi que omnia ac singula iura, privilegia, praerogativas, honores, indulta concedimus, quibus alii huiusmodi titulo insignes, ex Nostra Constitutione die vicesimoprimo Februarii anno MCMV de Protonotariorum Conlegio edita, cuius exemplar ad te transmitti iussimus, utuntur, fruuntur, vel uti frui possunt ac poterunt. Dum autem mandamus, ut notitia huius dignitati tibi tributae in acta Conlegii Protonotariorum Apostolicorum ex officio referatur, tibi praecipimus, ut priusquam ipsius concessionis beneficio perfrui incipias, coram Archiepiscopo tuo, qui eiusdem Conlegii Decani vices hac in re geret, fidei professionem emittas secundum

articulos ab hac S. Sede propositos, debito te iure iurando obstringas ex schemate, quod tibi tradendum curavimus, aliaque serves, quae per eandem Constitutionem servanda praescribuntur. Non obstantibus contrariis quibuscumque. Datum Romae apud S. Petrum sub annulo Piscatoris die X Januarii MCMXII Pontificatus

Nostri

Anno

Nono.

Dilecto Filio

Ernesto Commer (L. S.) R. Card. Merry del Val
Praesuli Nostro Domestico a Secretis Status.